



Broj: 13-11-4-4550/25
Sarajevo, 26.06.2025. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU o poništenju postupka javne nabavke

I

Poništava se postupak javne nabavke „Nabavka mobilijara za javne površine“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-4550/25 od 08.05.2025. godine.

Procijenjena vrijednost javne nabavke sa PDV-om je: 167.000,00 KM (slovima: stotinašezdesetsedamhiljada i 00/100 konvertibilnih maraka).

Obavještenje o javnoj nabavci broj: 935-1-3-74-3-139/25 objavljeno je na Portalu javnih nabavki dana 19.05.2025. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 10.06.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	FLEX INVEST d.o.o. Sarajevo	166.829,23 KM
2.	GLOVIS d.o.o. Zenica	166.605,07 KM
3.	BABEL d.o.o. Sarajevo	164.520,25 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponudu ponuđača FLEX INVEST d.o.o. Sarajevo Komisija je ocijenila kao **nepravilnu** iz sljedećeg razloga:

Obrascem za cijenu ponude unutar tenderske dokumentacije za stavku br. 6 zahtijevana je sljedeća oprema: „Nabavka i ugradnja fitnes opreme kao imitacija skijanja. Fitnes oprema je opremljena sa dvije nogare koje se pomjeraju desno - lijevo. Konstrukcija fitnes sprave je metalna koja je zaštićena cinkovim premazom i elektrostatičkom praškastom bojom koja je otporna na vremenske uslove i UV zračenje. Plastični elementi na fitnes opremi su napravljeni od brizganog polietilena sa debljinom stijenke od 4-6mm. Plastični dijelovi su otporni na vremenske uslove i UV zračenje. U cijenu uračunati demontažu stare sprave. Kapacitet 2 osobe“

Ponuđač FLEX INVEST d.o.o. Sarajevo je na stranici broj 56 ponude dostavio kataloški list na kojem je naznačen proizvod koji se nudi za stavku br. 6. Sa slike naznačenog proizvoda za stavku br. 6 vidljivo je da ponuđeni proizvod nudi mogućnost pomjeranja naprijed-nazad, dok je Obrascem za cijenu ponude zahtijevana fitnes oprema opremljena sa dvije nogare koje se pomjeraju desno – lijevo.

Nadalje, Obrascem za cijenu ponude unutar tenderske dokumentacije za stavku br. 7 zahtijevana je sljedeća oprema: „Nabavka i ugradnja fitnes opreme za hodanje. Fitnes oprema je opremljena sa dvije nogare koje se pomjeraju naprijed - nazad. Konstrukcija fitnes sprave je metalna koja je zaštićena cinkovim premazom i elektrostatičkom praškastom bojom koja je otporna na vremenske uslove i UV zračenje. Plastični elementi na fitnes opremi su napravljeni od brizganog polietilena sa debljinom stijenke od 4-6mm. Plastični dijelovi su otporni na vremenske uslove i UV zračenje. U cijenu uračunati demontažu stare sprave. Kapacitet 2 osobe“

Ponuđač FLEX INVEST d.o.o. Sarajevo je na stranici broj 56 ponude dostavio kataloški list na kojem je naznačen proizvod koji se nudi za stavku br. 7. Sa slike, te oznake naznačenog proizvoda za stavku br. 7 vidljivo je da ponuđeni proizvod nudi kapacitet korištenja za jednu osobu, dok je dok je Obrascem za cijenu ponude zahtijevana fitnes oprema sa kapacitetom od dvije osobe.

Nadalje, Obrascem za cijenu ponude unutar tenderske dokumentacije za stavku br. 8 zahtijevana je sljedeća oprema: „Nabavka i ugradnja trampoline za djecu. Konstrukcija trampoline je metalna zaštićena toplim cinčanjem radi zaštite. Rub trampoline je obložen gumenom podlogom radi sigurnosti djece. Područje za skakanje je napravljeno od polietilenske plastike debljine 1,5-3mm ojačane sajлом debljine 5-7,5mm koja je provučena kroz polietilenske komponente i ojačane žicom koja podupire podlogu za skakanje. Trampolina je kružnog oblika dimenzije fi 200cm. Sigurnosna zona 28m2“

Ponuđač FLEX INVEST d.o.o. Sarajevo je na stranici broj 57 ponude dostavio kataloški list na kojem je naznačen proizvod koji se nudi za stavku br. 8.

Iz tehničkih karakteristika ponuđenog proizvoda Trampoline RADO 200 vidljivo je da isti ima sigurnosnu zonu od Ø5,5m. Površina kruga sigurnosne zone ponuđenog dijametra promjera 5,5m iznosi 23,758 m2, što je više od +/- 5 % dozvoljenog odstupanja od zahtijevane sigurnosne zone od 28m2.

Iz naprijed navedenih razloga, ponuda ponuđača FLEX INVEST d.o.o. Sarajevo se nije mogla uzeti u dalje razmatranje.

Ponudu ponuđača GLOVIS d.o.o. Zenica Komisija je ocijenila kao **nepravilnu** iz sljedećeg razloga:

Obrascem za cijenu ponude unutar tenderske dokumentacije za stavku br. 9 zahtijevana je sljedeća oprema: „Nabavka, doprema i ugradnja sprava za rekreaciju i vježbanje na otvorenim prostorima – street workout. Oprema za osobe iznad 14 godina starosti. Sprave su izrađene od čeličnih cijevi, profila i limova spojenih zavarivanjem i vijčanom vezom u funkcionalnu cjelinu, temeljena sidrenim vijcima na čvrstu podlogu. Proizvod je zaštićen sa dva sloja plastifikacije – antikorozivnim temeljnim slojem i

završnim dekorativnim slojem u boji prema RAL karti. Street workout treba da bude povezan u jednu cjelinu i da bude opremljen sljedećim sadržajem: · Sprava za trbušnjake · Sprava za propadanje · Sprava za vratilo na različitim visinama · Sprava švedske ljestve · Sprava horizontalne ljestve – tzv. Monkey sprava Dimenzije street work out treba da budu maksimalno 5,00 x 4,90m, sa maksimalnom visinom 2,50m. Sigurnosna zona maksimalno 8,00x7,90m. Navedene dimenzije su određeni radi ograničenog prostora za montažu“

Ponuđač GLOVIS d.o.o. Zenica je na stranici broj 71 ponude dostavio kataloški list na kojem je naznačen proizvod koji se nudi za stavku br. 8 (STREETWORKOUT FSM-0181).

Iz dostavljenog kataloga je vidljivo da ponuđeni proizvod STREETWORKOUT FSM-018, ne sadrži Spravu horizontalne ljestve – tzv. Monkey sprava. Isti sadrži viseće elemente sa ručkama tkz. Money bar, što nije identično zahtjevu iz tenderske dokumentacije.

Iz naprijed navedenog razloga, ponuda ponuđača GLOVIS d.o.o. Zenica se nije mogla uzeti u dalje razmatranje.

Ponudu ponuđača BABEL d.o.o. Sarajevo Komisija je ocijenila kao **nepravilnu** iz sljedećeg razloga:

Obrascem za cijenu ponude unutar tenderske dokumentacije za stavku br. 9 zahtijevana je sljedeća oprema: „Nabavka, doprema i ugradnja sprava za rekreaciju i vježbanje na otvorenim prostorima – street workout. Oprema za osobe iznad 14 godina starosti. Sprave su izrađene od čeličnih cijevi, profila i limova spojenih zavarivanjem i vijčanom vezom u funkcionalnu cjelinu, temeljena sidrenim vijcima na čvrstu podlogu. Proizvod je zaštićen sa dva sloja plastifikacije – antikorozivnim temeljnim slojem i završnim dekorativnim slojem u boji prema RAL karti. Street workout treba da bude povezan u jednu cjelinu i da bude opremljen sljedećim sadržajem: · Sprava za trbušnjake · Sprava za propadanje · Sprava za vratilo na različitim visinama · Sprava švedske ljestve · Sprava horizontalne ljestve – tzv. Monkey sprava Dimenzije street work out treba da budu maksimalno 5,00 x 4,90m, sa maksimalnom visinom 2,50m. Sigurnosna zona maksimalno 8,00x7,90m. Navedene dimenzije su određeni radi ograničenog prostora za montažu“

Ponuđač BABEL d.o.o. Sarajevo je na stranici broj 54 ponude dostavio kataloški list na kojem je naznačen proizvod koji se nudi za stavku br. 8 (STREETWORKOUT FSM-0181).

Iz dostavljenog kataloga je vidljivo da ponuđeni proizvod STREETWORKOUT FSM-018, ne sadrži Spravu horizontalne ljestve – tzv. Monkey sprava. Isti sadrži viseće elemente sa ručkama tkz. Money bar, što nije identično zahtjevu iz tenderske dokumentacije.

Iz naprijed navedenog razloga, ponuda ponuđača BABEL d.o.o. Sarajevo se nije mogla uzeti u dalje razmatranje.

Komisija za javnu nabavku roba, radova i usluga jednoglasno je predložila Općinskoj načelnici da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom. Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000


Depozitni račun 1411965320011288 Bosna Bank International d.d.



budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

OPĆINSKA NAČELNICA

Prof. dr. Benjamina Karić



*Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove*

*tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.*

